



Jän Būreejtōn

Dieter F. Uchtdorf

Rikakipilōklōk eo Kein Karuo  
ilo Būreejtōnji eo Kein Kajuon

# Kweilōk eo Eḷap — Juon Kōjeramḡan Ejjab Einjuon

**J**uon membōr in Kabuñ in eo emḡan eaar kōnono ippān juon ruturin eo eaar jab jān kabuñ in ad. Ke unin kōnono eo eaar oktakḷōk nān kweilōk eo eḷap, eo riturin eaar kajjitōk, “Kwōj ba ewōr aḡ rikanaan ro im rijilōk ro? Im ruo kōttan juon iiō ilo juon kweilōk eḷap nān laḷ in rej kwaḷōk naan in Anij?”

“Lukkuun ḡool,” membōr eo eaar uwaak kōn juon lōke.

Eo iturin eaar ḷōmḡak kake men eo iumḡwin jidik iien. Eaar āinwōt eitok limoin innām eaar kajjitōk, “Ta eo raar ba ilo kweilōk eo eḷap ej jemḷōk ḷōk?”

Ilo iien in membōr eo emḡan an Kabuñ in eaar etal jān eñjake lemōḡōḡō in kwaḷōk kōjpeḷ eo nān eñjake an jook. Kajioñ joñan wōt an maroñ, eaar jab kememej meḷeḷe ko an juon kōnono.

Eo ḡōttan ekar lo menin ekōtarpok e im eaar ba, “Kwōj jiroñ eō bwe Anij ej kōnono nān armej ilo raan kein ad im kojjab maroñ kemememej ta eo Eaar ba?”

Būratōr eo eaar eñjake ettā buro eo kōn bwebwenato in. Eaar kalimḡur bwe enaaj kar kememej naan ko kar kōnono kaki jān ro rikarejeran Irooj ilo kweilōk eo eḷap.

Aolepād rejelā ewi joñan an pen nān kememej aolep ennaan ko an kweilōk eo eḷap, im Ij lōke bwe jejjab aikuj in jook eḷañne jejjab kememej aolep men. Ijowōt

ke, ewōr ennaan ko ilo kajjojo kweilōk eo eḷap kar litok āinwōt juon menin letok im juon kōjeramḡan jān lañ eḷaptata nān jekjek ko ad make ilo mour in.

Ilo kōppopo nān kweilōk eo eḷap, in kwaḷōk jilu katok ko imaan tata me remaroñ jipañ kōj emḡan ḷōk ad bōke, kememej, im kōjerbali naan ko kōnono kaki jān ro rikarejeran Irooj.

## **1. Membōr ro an Kabuñ in rej maroñ bōk ḡadenḷōk an juon make ilo aer roñjake im ekkatak naan ko reimḡe kōnono kaki ilo kweilōk eo eḷap.**

Ilo ami kōppopo nān kweilōk eo eḷap, Ij kūr komḡ nān kejōkḷōkjenḡ kōn kajjitōk ko komḡij aikuji nān an wōr aer uwaak. Nān waanjoñak, komḡ maroñ kōḡaan kōjwbābwe im tōl eo jān Irooj ikkijien apañ ko komḡij jelḡai.

Uwaak ko nān jar ko ami rein juon remaroñ itok kajju jān juon kōnono ak jān juon jabōn kōnnaan. Ilo elōñ iien ko, jet uwaak ko remaroñ itok ilo juon naan, jabōn kōnnaan, ak aljab jelā kake. Juon bōro eo eobrak kōn kaḡoolol kōn kōjeramḡan ko an mour im juon kōḡaan eḷap nān roñjake im ḷoor naan in kapilōk ko renaaj kōpooj iaḷ eo nān ḡadenḷōk an juon make.

## 2. Jab kowaan jidik juon ennaan kōnke āinwōt kom̄ jeļā.

Rikanaan ro iien otemjej kar katakin kōn āliji; ej juon kien katak. Kom̄ naaj roñ āliji ilo unin kōnono ko im katak ko ilo kweilōk eo eļap. In ba ñan kom̄: ejjab kōnke ejjab po lemen ak ļōmņak. Jej wōnmaanjōk wōt ñan roñjake ennaan ko ilo unin kōnono ko jeļeļā kōnke Irooj ej katakin im imwe ļōmņak ko ad im būruwōd ioon jet ijino an pedped ko raorōk eo an indeeo eļap me aikuj in meļeļe kake im jerbale mōkta jān ad maroñ wōnmaanjōk ñan men ko jet. Juon rikkal eo emeletlet ej mōkta kōmņane pedped eo mōkta jān kajutak depdep ko im bōrōqj eo.

## 3. Naan ko kōnono kaki ilo kweilōk eo eļap rej aikuj in juon kām̄bōj me ej jitōñļok iaļ eo ñan kōj ilo allōñ ko rej itok.

Eļañne jej roñjake im ļoor imwe ko an Jetōb, renaaj jermal āinwōt juon Liaona, tōl kōj ilo dibuk ta eo jej jab jeļā kake, kom̄laļ ko reppen im toļ ko me rej pād imaan (lale 1 Nipai 16).

Jān ke laļ in eaar ijino, Anij eaar kwaļōk rikanaan ro me rej kōnono jān ankilaan lañ ñan armej ro ilo iien ko aer. Ej ad eddo ñan roñjake innām kōjerbali ennaan ko Irooj eaar litok ñan kōj.

Jemedwōj Ilañ eo ejouj im iakwe ejjañin kar meļōk-ļok im ejjamin naaj meļōkļok ajri ro Nejin. Rainin, āinwōt ejja ilo iien ko etto, Eaar kālōt rijilōk ro im rikanaan ro. Ej wōnmaanjōk wōt ñan kwaļōk naan ko An ñan er.

Juon jeramņan eo ekabwilōñlōñ ej ñan roñjake ennaan ko an Anij ñan kōj kajjojo ilo iien kweilōk eo eļap! En emņan ad kōppopo ñan kōjeramņan in eļap an tōl eo ekwojarjar letok jān ro Rikarejeran kar kālōti.

Bwe menin ej juon kōjeramņan ejjab einjuon.

## KATAKIN JĀN ENNAAN IN

- Riiti katak in ippān doon. Kōketak baamle eo ñan kwaļōk men ko ñan roñjaki ilo iien kweilōk eo eļap.
- Ñan jipañ ajri ro reddik kōjermal kapilōk eo kar letok jān Būreejtōn Uchtdorf, kwaļōk ñan er juon jaat in Rutiej ro an Kabuñ in (loe ilo *Liaona* eo an kweilōk eo eļap). Kōmņan bwe ren jeļā bwe Būreejtōnji eo Kein Kajjuon im Douluul eo an Jōñoulruo Rijilōk ro

renaaj kōnono ilo kweilōk eo eļap. Kōketak ajri ro ñan roñjake kweilōk eo im jiñaik juon pija ñan jipañ er kememej ta eo raar katak. Ro jinen im jemen remaroñ lale conferencegames.lids.org ñan lōñļok in mākūtkūt ko an kweilōk eo ñan ajri ro.

## JODIKDIK RO

### Emņan, Emņan ļok, Emņan tata

Jān Mary-Celeste Lewis

Ilo kōnono eo an ilo Oktoba 2007 kweilōk eo eļap, Eļtōr Dallin H. Oaks an Douluul eo an Joñoulruo Rijilōk ro eaar kōnono kōn mākūtkūt ko me rej “emņan, emņan ļok, im emņan tata.” Ke ear tōpar mōttan eo kōn “tōr jān joñan ad jikejuuļi ajri ro,” laar oktakļok eñjake ilo jea eo aō.

laar jeļā laar kōmņane etōr jān joñan. laar pād ilo ikkure ko an jikuuļ, bōk kūlaj ko reppen ilo jikuuļ, im kar kobaļok ilo jet mākūtkūt ko. laar jab etal ñan mākūtkūt ko an Douluul eo an Jiroñ ro ilo niknik, im Jabōt ko aō raar obrak kōn inepata kōn kajioñ in kadedeļok katak ko aō ilo āliktata. Katak kōn al ko im kajimwe ņuuļ peba eo an mōn jikuuļ eo ekar kōmņan bwe en jako wāween limo eo im oktak ñan menin jermal.

Kōnono eo an Eļtōr Oaks kar kōmņan bwe in lukkuun lale jikejuuļ eo aō. Mākūtkūt ko aō raar emņan, bōtaab rekar kanooj lōñ. laar aikuj in kālōt ko remņan tata. Ke laar kajioñ kālōt mākūtkūt ta ko ñan julōki, laar kile bwe kōjpeļ eo an Jisōs Kraist eaar men eo imaan tata emņan tata jabdewōt remaroñ bōke. laar likūt jar im ekkatak jeje ko rekwojarjar ilōñ tata in laajrak eo aō, im jān iien eo, mour eo aō emōj an emņanļok.

Eļtōr Oaks eaar katakin ña bwe ñe jej kōmņane ta eo Irooj ej kōñaan bwe jān kōmņane *mōktata*, aolep men ko jet naaj itok ilo jejjet eo aer. Eļañne Ij ekkatak jeje ko rekwojarjar aō mōkta jān aō ikkure ak jekdoon mōkta jān aō kōmņane katak ko aō, aolep men ko raorōk renaaj dedeļok. Ke laar pedped e mour eo aō ipeļakin Irooj, ijellōkin kobaik tok E āinwōt juon kakobaba, mour eo aō eaar bar kobaik tok juon joñak an aenōmņan im wejpedik.

Kiiō Ij lukkuun kanooj roñjake kapilōk eo letok ilo kweilōk eo eļap!

### Imaroñ Lo Uwaak ko jen Kweilòk Eo Eļap

**B**ūreejtōn Uchtdorf ej katakin bwe eļaññe komij ðōmñak kōn jet kajjitōk ko mōkta jān kweilòk eo eļap, Irooj emaroñ kōnono ñan komj kōn rikanaan ro im rijilòk ro An ilo iien kweilòk eo.

1. Āinwōt juon baamļe ak kōlaj, ekōnono kōn ta eo komij aikuj katak, make ðok ak koba jimor.

(Ñan waanjoñak: Ekōjkan Aō kōkajoorðok naan in kamool eo aō? Ekōjkan Aō aikuj in jerbale juon jor-rāān ilo jikuuļ? loon juon peba ak ilo jōnōōļ eo amj, jei kajjitōk ko amj:

2. Ilo wiik ko imaan in kweilòk eo, komj maroñ ðōmñak im jar kōn kajjitōk kein.
3. Kanooj lukkuun roñjake ilo iien kweilòk eo (emaroñ in jipañ ñan jeje). Innām je ekōjkan an Irooj—kōn ritōl ro an Kabuñ in—kar uwaaki kajjitōk ko ami.
4. loon bar juon peba, komaroñ jiñaik juon pija in kwe make kōmñane ta eo kwar katak.



# Kōkajoorloḷok Baamle ko kōn Kōlaploḷok Bwinnin Jetōb

*Ekkatak kōn kein katak in im, nē ekkar, ekōnono kake ippān jejtōr ro komij loḷok. Kōjērbal kajjītōk ko nān jipañ eok kōkajoorloḷok jejtōr ro aṃ im nān kōmṃan bwe Douluul eo an Kōrā en mōttan eo emourur tata ilo mour eo aṃ make.*

**J**ulie B. Beck, būreejtōn eo eutieḷ an Douluul eo an Kōrā, eaar ba: “Emōj an eddōk ilo nā juon naan in kaṃool eḷap kōn aorōk eo an leddik ro nejin Anij. . . . emōj Aō kar eñjake bwe ejañin kar wōr juon aikuj eḷaploḷok kōn laploḷok in tōmak im jimwe an juon make. Ejañin kar wōr juon aikuj eḷaploḷok kōn kajoor an baamle ko im iṃōko.”

Jejtōr ro remaroñ jipañ ejaaki iṃōko im baamle ko rekajoor ilo aer jērbal kōn ṃadenloḷok eo an juon make. “Maroñ eo nān karbōb nane, bōke, im jērbal ioon ṃadenloḷok an juon make ej kapeel eo aorōk tata me emaroñ in bōke ilo mour in,” Jejtōr Beck eaar wōnṃaanloḷok wōt, “Karbōb eo nān Jetōb eo an Irooj ej ijino kōn juon ikirelel nān Jetōb eo im ej aikuji jet joñak in erre. Kejparok kien ko, ukweḷok, im bar kōkāāl bujen ko kar kōmṃani ilo peptaij ej tōl loḷok nān kōjēraṃṃan eo kōn bōk Jetōb eo an Irooj ippād iien otemjej. Kōmṃan im kejparok bujen ko an tampeḷ rej barāinwōt kobaik tok kajoor ilo jetōb im kajoor nān juon mour an kōrā. Elōñ uwaak ko nān kajjītōk ko reppen rej loi jān riiti jeje ko rekwojarjar kōnke jeje ko rekwojarjar rej juon kein jipañ nān ṃadenloḷok. . . . Jar raan otemjej ej aorōk nān bōk Jetōb eo an Irooj ippād.”<sup>1</sup>

Jej barāinwōt kōkajoorloḷok uwaan

baamle eo ad ilo jetōb ilo ad jipañ er meḷeḷe karōk indeeo an Jemed Ilañ. “Ta eo jemaroñ kōmṃane nān kōkōṃanṃanloḷok ad kōpooj ajri ro nejid ilo jetōb nān jērbal ko aer indeeo?” Eḷtōr M. Russell Ballard jān Douluul eo an Jōñoulruo Rijilōk ro eaar kajjītōk. “Emool uwaak eo ealikkar tata ej: Katak in er ekōjkan mour kōn pedped ko an kojpeḷ eo.” Katak in ej itok kōn jar raan otemjej, ekkatak jeje ko rekwojarjar aolep raan, im iien mōñā ko an baamle barāinwōt nokon in jotan an baamle aolep wiik im etal nān Kabuñ eo. Eḷtōr Ballard ej kōmeḷeḷeik: “Jej kōppopo kajjojo raan, kiiō, nān mour indeeo. Eḷaññe jejjab pojak nān mour indeeo jej kōppopo nān bar jet men rej aorōk loḷok, emool men ko eḷap aer aorōk.”<sup>2</sup>

## **Jān Jeje ko Rekwojarjar**

Jabōn Kōnnaan ko 22:6; 1 Jon 3:22; Doctrine and Covenants 11:13–14; 19:38; 68:25

## **Jān Bwebwenato eo Ad**

Rikanaan Joseph Smith eaar katakin jejtōr ro ilo juon kweilōk an Douluul eo an Kōrā ilo Eprōḷ 1842 eo bwe ewōr juon aer eddo eḷap nān pukōt aer loṃṃoor. Eaar ba, “Ālkin kōmeḷeḷe eo [aō], komṃ naaj eddo kōn jerawiwi ko aṃ make; ej juon ikirelel eutieḷ bwe komij aikuj etetal

iṃaan Jemedwōj Ilañ nān ami loṃṃoren komṃ make; jej aolep eddo nān Anij kōn jekjek eo jej kōkōṃanṃanloḷok meram eo im meletlet eo kar letok jān ad Irooj nā kōmṃan bwe jān maroñ loṃṃoren kōj make.”<sup>3</sup> Eaar katakin er nān erom jimwe, nān erom juon armej ekwojarjar, im nān kōppopo nān kaiñi ko an tampeḷ im bujen ko.

### **KAKEMEMEJ KO**

1. Julie B. Beck, “And upon the Handmaids in Those Days Will I Pour Out My Spirit,” *Liahona*, May 2010, 10, 11.
2. M. Russell Ballard, “Spiritual Development,” *Ensign*, Nob. 1978, 65, 66.
3. *Teaching of Presidents of the Church: Joseph Smith* (2007), 355

### **Ta Imaroñ Kōmṃane?**

1. Ekōjkan Aō maroñ jipañ jejtōr ro aō kōlaploḷok uñnar-pein make ilo jetōb?
2. Ekōjkan Aō maroñ kōkōṃanṃan maroñ eo aō make nān kile im uwaak nān Jetōb Kwojarjar?

Nān meḷeḷe ko reḷḷaploḷok, etal nān [www.reliefsociety.lds.org](http://www.reliefsociety.lds.org).